

MARO EUR GWIR VREIZAD

dirag Sebastopol (1855).

1.

P'edo en he wassa brezel braz ar C'hrome,
 Pa ioa Sebastopol kelc'het gant hon arme,
 Kennerzet gant ho feiz soudarded Breiz-Izel
 A stourme kalounek, prest ato da vervel.

2.

Etouez ar zoudarded ginidik ouz hor bro,
 E ioa eur c'haporal Yann Corbic he hano,
 Eun den hag a virit dre holl beza meulet
 Evit he nerz-kalon, hag he feiz ken parfet.

3.

Goude maro Corbic, he gabiten gant prez
 A skrivas eul lizer da bersoun he barrez (1),
 Da gass kelou d'he dud ha d'he holl genvroïz
 Euz he varo kristen ha leun a vaillantiz.

4.

« Yann Corbic, emezhan, hen deuz renet ama
 Buez eur gwir zoudard direbech e pep tra ;
 Ha, pa rankas marvel, hen deuz heb klemm ebet,
 Resevet ar maro 'vel eur c'hristen parfet.

5.

« Maro eo gwir vugel da Vro-C'hall ha da Vreiz,
 Maro en eur ziskouez e ioa eun den a feiz,
 Rag he zonj diveza zo bet evit an Ee,
 He gomzou diveza eur beden da Zoue.

6.

« Pa velis ioa skoet, ha gwall skoet zoken,
 Buhan d'an ambulans e lakis hen dougen,
 Med, keit ma ioa o vont douget var eur c'hervas,
 E santas n'hen doa mui pell da veva, siouaz !

(1) Sant-Nicolas-ar-Pelem, eskopti Sant-Brieuc, ha gueichall eskopti Kemper.

7.

« Neuze d'an dougerien e lavar chom a za.
Ema tost, emezhan, va zermen diveza ;
Ho pet ar vadelez, araok ma tremenin,
D'am zikour da vont c'hoaz eur veich var va daoulin.

8.

« Hag eur veich daoulinet, evel ma c'houlenne,
Corbic a lavaras eur beden da Zoue ;
Ha dreizhi kennerzet, konsolet var eun dro :
Breman 'vad, emezhan, e c'hell dont ar maro !

9.

« Corbic var an diskaoaz zo sammet adarre.
Varzu an ambulans e talc'her da vale,
Me l, ne c'hell ket e beo mont tre beteg eno ;
Pa zigouez, ne gaver nemet eur c'horf maro.

10.

« Eur maro kei kristen a raio d'he gerent
'N em gonsoli o koll an hini a garent. »
Mervel evit ar vro a zo sur eun dra vraz ;
Mervel en eur bedi a zo kalz kaeroc'h c'hoaz !

A. M. D. G.

SONJEZONOU MAD

En despet d'an dud fall, Doue hag he Iliz a zo, hag
a vo ato ar guella anavezet, hag ar muia karet var
an douar.

* * *

Ne dremenomp ket eun devez eb offansi Doue : ne
dremen ket eur momed, eb ma tiskuefe Doue he
garantez evidomp.

Le Gérant : BOZEC.

Kemper, e ti DE KERANGAL, mouller ann Eskopti.